



ILLVSTRISSIMO

POTENTISSIMOQVE

Suecorum, Gothorum, Vandalorumq; Regi,
ac Liuoniae Domino, ERICO eius no-
minis decimoquarto, Leuinus
Lemnius Medicus,

S.P.D.

SCITVM est illud Platonis, Rex illu-
strissime, Felices fore Respublicas, siue
studia sapientiae conseruentur Reges,
vel Sapientes imperent. Quod cum in
te sine controuersia perfici intelligam,
quinon solum studiis sapientiae sedulo insistas, sed
quasuis artes amplectaris aut colas, non possum tuae
Maestati, tuoque amplissimo Regno non impense
gratulari. Dicit enim vix queat, quam sit hoc nomi-
ne suis subditis futurus amabilis ac gratiosus, deni-
que ad ea sectanda, quae in humanis rebus sunt pra-
cipua, quaeque ad summam felicitatem spectant, in-
citamento. Vt enim filii maiorum vestigiis insistant,
in quos oculos continenter habent defixos, illorumque
imitantur vel vitia vel virtutes: Ita in Imperio aulae
proceres, ac promiscua passim multitudo ea conse-
ctari conatur, ea vita & moribus exprimere, quae re-
gi aut principi placere videat, & quibus ille maxime
afficiatur. Cum autem multis magnisque rebus spe-
ctata sit tua, ERICE Illustrissime, Maestas & am-
plitudo, corporis animique praestantia, acumen inge-
nii, eruditio singularis, summa vitae integritas, in

):(2

pace incredibilis imperii moderatio, belli vero tem-
 pore, quod nunquam nisi iuste à te suscipitur, mira
 rerum gerendarum peritia, pari consilio ac prudètia
 fulta: quibus artibus non minus fortiter quam ani-
 mose, magnoque successu ac dexteritate finitimos,
 qui alienæ ditioni inhiant, propulsas ac cõfiscis: quis
 tantas tamq; admirandas naturæ dotes, quib. à Deo
 Opt. Max. affatim excultas es, accumulate exorna-
 tus, non admiraretur ac suspiciat, solidisque encomiis
 prosequatur, quod ipsum vnice perficere meditor:
 quandoquidē Maieſt. Regiæ fauorem experiar, quæ
 ex nostra hac statione atq. excubiis, magnis premiis
 in aulam suam nos euocat. Quocirca cum latissima
 regna longeq; exprorectos Sueciæ ac ditionis Gothi-
 cæ tractus (à quibus totius Europæ exortam nobilita-
 tem serio distitare solet Imperator Carolus huius
 nominis quintus, sibiq; id laudi ducere) incredibili
 sapientia ac comitate te moderari audiam, atq; abs-
 re conquiri vndiq, non solum artifices manuosos,
 sed quod præcipue laudem meretur, conuocari ma-
 gnis tuis sumtibus atq. impensis viros doctos ac l-
 teratos, qui regno tuo decus & ornamentum afferunt,
 passus sum D. Guilielmum Lemniũ, quem vt archia-
 tron seu Medicum primarium in corporis tui tute-
 lam ac sanitatis conseruandæ præsidium adsciisti,
 tanto locorũ interuallo, à patriis sedibus, à paterno
 complexu, congressuq; familiari ac domestica con-
 suetudine diuelli, præfertim iis annis quib. parentes
 filijs, tanquam scipione facti inniti soleant; atq. in-
 clinata vergenteq; ætate aliqua ab iis oblectamenta
 concipere, nõnulla eminentis senii solatia cõsequi.
 Et quo erga clementissimum regem magis constat
 Lemniũ studium, promptaq; voluntatis ac propensi
 animi testificatio, libros hos de natura dignitate &
 præſtantia, abditisq. rerum causis Maieſtati Regiæ
 dedicare vltimũ est, quo se oblectare iis possit, vbi à
 feriis

EPIST. DEDICAT.

feriis rebus respirare liceat, atq. à publicis fundib-
 nis conquiescere. Multa autem inesse lucubrati-
 onibus hinc nostris, cirra omnem ambitionē aut adu-
 landi suspicionem, autim polliceri, quæ amoenitate
 lectiōnis ac eum rerum, tum sententiarum varietate
 atque illecebra quemq; possint reficere ac demorari.
 Si quādo itaq. inuictissime rex, occupationibus quī-
 bus implicatus es, defungi te contigerit, atq. aliquid
 tibi laxamenti imperare visum sit, his auocamentis
 animū grauioribus rebus defessum recreare poteris
 ac reficere. Hoc aut argumentum, quæ nullum exco-
 gitari potest plausibilis, ea mente ac consilio illu-
 strandum suscepi, vt omnib; innotescat quā immēsa
 sit rerum natura, quæ vñibus commodisq. nostris in-
 seruit, quo vis eius se proferat, quā longe lateque sit
 diffusa. Quæ cum sit diuinitatis instrumentum, tota
 moles ac rerum vniuersitas illi incumbit atq. innis-
 tur, eiusq. munere cuncta subsistunt, ac continuata
 successione se propagant ac tuentur. Quæ consideratio
 hoc efficit in animis hominum, eumq. vsum conse-
 quitur, vt mens humana in opificem erecta, res mo-
 mentaneas ac caducas despiciere condiscat, atque ad
 sempiternas aspiret atq. enitatur. Siquidem natura
 contemplatio, q̄ multiplici rerum varietate instructa
 est atq. exornata, totiusq. mundi decor & species, in-
 cōditoris admirationem atque amorem mortales al-
 licit: ita vt tam spectabili ac visendo mundi opificio
 obstupefactus humanus animus in huius architectū
 atq. artificem tota mente rapiatur, haustoque tacito
 quodam diuinitatis affatu, illum colat ac veneretur,
 in illo confidenter conquiescat. Cuius rei cum toto
 passim opere specimen sum exhibiturus, superuaca-
 neū existimo plura congerere, quibus natura splen-
 dor illustrari possit, eiusq. dignitas amplificari, præ-
 fertim cum R. M. sedulo natura ac rerum contem-
 plationi insistat atque continenter se oblectet, ita

L. LEM. EPIST. DEDIC.

vt nulli aptius magisque apposite hæc natura mira-
cula consecrari possint, quam Erico Regi, qui huius-
modi oblectamenti vnice afficitur. Eo autem magis
gratum acceptumq; amplitudini Regiæ hoc munus
literarium fore confido, quod tempestiue ac caprata
opportunitate oblatum sit, nempe iis nuptiarum au-
spiciis, qua serenissimus Rex propediem iuiturus
est; quod vt felix faustumque sit, optimi quiq; bonis
acclamationibus bonisq; omnibus exoptant ac pre-
cantur Deus Opt. Max. qui cuncta fulcit ac sustinet,
Regni tui solium Rex illustrissime stabil'at, tibi que
in omnibus felicem progressum, magnaue incre-
menta conferat. Zirizæ, pridie Calend,
Ianuarii, anno redempti orbis
M.D. LXIII.

AD